

13 AUG 1998

DR MAHATHIR TIBA DI LABUAN

LABUAN, 13 Ogos (Bernama) -- Perdana Menteri Datuk Seri Dr Mahathir Mohamad tiba di sini petang ini untuk lawatan dua hari ke pulau Wilayah Persekutuan ini.

Ketibaan beliau dan isteri Datin Seri Dr Siti Hasmah Mohd Ali pukul 6.45 petang di lapangan terbang Tentera Udara Diraja Malaysia, disambut anggota parlimen Labuan Abdul Mulok Awang Damit dan ketua-ketua jabatan kerajaan persekutuan di pulau itu.

Dr Mahathir dijadual menghadiri makan malam bersama pemimpin Barisan Nasional (BN) di pulau ini pada sebelah malam dan diikuti perjumpaan tertutup dengan pemimpin Umno Labuan.

Esok, beliau akan meninjau pembangunan di sekitar pulau ini termasuk terminal baru lapangan terbang Labuan sebelum menghadiri majlis makan tengah hari dengan anggota pertubuhan badan bukan kerajaan.

Dr Mahathir akan bertolak ke Kota Kinabalu, Sabah pada sebelah petang untuk lawatan dua hari ke negeri itu.

-- BERNAMA

JS NMO